



Broj: 05/7-39-1-158-67/20

Sarajevo, 1. 2. 2021.

Z A P I S N I K

67. sjednice Vijeća nacionalnih manjina BiH, održane 26. 1. 2021.

Sjednica Vijeća nacionalnih manjina BiH počela je u 13 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Tijana Vučurević, Davor Ebner, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Nedžad Jusić, Marija Grbić, Hakan Varan, Eva Pašić-Juhas, Mladen Radmilović, Halil Bicaj, Dejan Piotrovski i Jakob Finci.

Sjednici, iz opravdanih razloga, nije prisustvovala Vjeročka Gajić.

Osim članova Vijeća, sjednici su prisustvovali službenici Parlamentarne skupštine BiH: Aida Kreho, sekretar Zajedničke komisije za ljudska prava, i Enver Bogučanin, stručni savjetnik u Sektoru za odnose s javnošću.

Sjednica je imala sljedeći

Dnevni red

1. Usvajanje Zapisnika 66. sjednice Vijeća nacionalnih manjina BiH;
2. Razmatranje Prijedloga izvještaja o radu Vijeća nacionalnih manjina BiH za 2020. godinu;
3. Razmatranje Prijedloga plana rada Vijeća nacionalnih manjina BiH za 2021. godinu;
4. Tekuća pitanja:

- a) Upoznavanje s dopisom Tihomira Knežičeka, broj: 05/7-50-18-100/21 od 7. 1. 2021,
- b) Ostalo:
 - Informacija sa II sastanka Koordinacionog odbora;

Ad. 1. Usvajanje Zapisnika 65. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da rasprave nije bilo, pristupilo se glasanju, te je Zapisnik usvojen sa 16 glasova „za“ i jednim glasom „suzdržan“.

Ad. 2. Razmatranje Prijedloga izvještaja o radu Vijeća nacionalnih manjina BiH za 2020. godinu

Predsjedavajući je, nakon uvodnih napomena, otvorio raspravu o ovoj tački dnevnog reda, u kojoj su učestvovali Tihomir Knežiček, koji je istaknuo da je bilo potrebno još detaljnije definirati određene aktivnosti Vijeća nacionalnih manjina BiH u 2020. godini, u smislu definiranja koje od institucija su postupile po dopisima Vijeća nacionalnih manjina BiH, pobrojati gostovanja i aktivnosti u medijima uz navođenje konkretnih datuma i tema razgovora, te iznio općenite primjedbe na rad Vijeća u prethodnoj kalendarskoj godini u smislu održavanja press-konferencija; , Dragan Marković, koji je pohvalio izrađeni Prijedlog izvještaja, navodeći da je dovoljno detaljan, te izrađen po cjelinama kao i prethodni, te Marija Grbić, koja je iznijela prijedlog da se Prijedlog izvještaja dopuni informacijama o zaprimljenim odgovorima institucija na dopise Vijeća nacionalnih manjina BiH, te se sa tim dopunama i prihvati.

Po okončanju rasprave, članovi Vijeća su sa 16 glasova „za“ i jednim glasom „protiv“ usvojili Izvještaj o radu Vijeća nacionalnih manjina BiH za 2020. godinu, uz dopunu predloženu od Marije Grbić.

Ad. 3. Razmatranje Prijedloga plana rada Vijeća nacionalnih manjina BiH za 2021. godinu

Predsjedavajući je, u uvodnim napomenama, istaknuo potrebu uvrštavanja dvije aktivnosti u Prijedlog plana rada Vijeća nacionalnih manjina BiH za 2021. godinu, i to: u prvom kvartalu – održavanje zajedničkog sastanka Vijeća sa predstavnicima Saveza i Savjeta nacionalnih manjina Republike Srpske u Banja Luci, te u četvrtom kvartalu – održavanje sastanaka sa

direktorima i nastavnim osobljem škola u Bosni i Hercegovini koji, u okviru svog nastavnog plana, organiziraju nastavu na jeziku pripadnika nacionalnih manjina, odnosno organiziraju učenje jezika za djecu pripadnike nacionalnih manjina BiH.

Obzirom da rasprave nije bilo, Plan rada Vijeća nacionalnih manjina BiH za 2021. godinu usvojen je jednoglasno.

Ad. 4. Tekuća pitanja:

a) Upoznavanje s dopisom Tihomira Knežičeka, broj: 05/7-50-18-100/21 od 7. 1. 2021,

b) Ostalo:

-Informacija sa II sastanka Koordinacionog odbora;

a) Upoznavanje s dopisom Tihomira Knežičeka, broj: 05/7-50-18-100/21 od 7. 1. 2021

Predsjedavajući je upoznao prisutne sa sadržajem upita, te usmeno odgovorio na postavljeno pitanje.

b) Ostalo:

-Informacija sa II sastanka Koordinacionog odbora: Silvija Vujović informirala je članove Vijeća o održanom II sastanku Koordinacionog odbora

- Članovi Vijeća upoznati su sa statusom inicijativa koje je Vijeće uputilo Zajedničkoj komisiji za ljudska prava;
- Članovi Vijeća upoznati su sa statusom Prijedloga odluke o Vijeću nacionalnih manjina BiH, koja je dostavljena domovima Parlamentarne skupštine BiH na usvajanje;
- Članovi Vijeća odlučili su dostaviti dopis Savjetu nacionalnih manjina RS, kao reakciju na njihov prethodno dostavljeni dopis iz novembra 2020. godine (akt broj: 0577-39-1-178-64/20 od 2. 11. 2020. i 05/7-39-1-2305/20 od 30. 11. 2020.), a u vezi izrade Stretagije za unpređenje i zaštitu prava pripadnika nacionalnih manjina RS;

Sjednica je završena u 13.45 sati.

**Sekretar Zajedničke komisije
za ljudska prava
Aida Kreho**

**Predsjedavajući
Vijeća nacionalnih manjina BiH
Andrija Svatok**